



REPUBLIKA E SHQIPËRISË  
KONTROLI I LARTË I SHTETIT

**SHPALLJE PËR NËPUNËS CIVIL  
NGRITJE NË DETYRË**

Kontrolli i Lartë i Shtetit hap procedurat për plotësimin e **1 (një) vendi vakant “Kryeauditues në Departamentin e Auditimit të Teknologjisë së Informacionit”**.

**I. Përshkrimi i punës për pozicionin “Kryeauditues”**

1. Përgjigjet dhe jep llogari para Drejtorit të Departamentit.
2. Merr pjesë në hartimin e planeve afatmesëm dhe mujore të punës së Departamentit.
3. Bashkërendon punën në përputhje me detyrat e ngarkuara.
4. Shqyrton materialet e përgatitura dhe të dorëzuara nga grupet e auditimit dhe në bashkëpunim me juristin e departamentit jep mendimin e tij për ecurinë e mëtejshme të auditimit, të cilin ia paraqet me shkrim Drejtorit të Departamentit.
5. Grumbullon nga audituesit të dhënat për statistikën e auditimeve, i përpunon ato dhe harton përmbledhësen e statistikave periodike të auditimit.
6. Në bashkëpunim me Drejtorin e Departamentit përgatit dhe dorëzon në Drejtorinë e Komunikimit Botimit dhe Marrëdhënieve me Jashtë raportet e auditimit të përfunduara, të përgatitura për publikim në Web-in e KLSH-së dhe për përcjellje në Kuvend.
7. Në bashkëpunim me Drejtorin e Departamentit përgatit dhe dorëzon tek Departamenti i Metodologjisë, Planifikimit Strategjik dhe Zhvillimit Profesional të dhënat statistikore periodike e progresive si dhe raport-analizat.
8. Bashkëpunon me Drejtorin e Departamentit për mbajtjen e “Regjistrave të evidentimit të rekomandimeve dhe masave disiplinore” për materialet e dërguara, duke pasqyruar në to përgjigjet e dhëna nga subjektet e audituara.
9. Drejton grupe auditimi dhe përgjigjet për punën audituese sipas programit të miratuar të auditimit.
10. Evidenton dhe regjistron të dhëna për cilësinë e materialeve të auditimit për çdo auditim të përfunduar dhe të dërguar.
11. Jep mendime dhe bën propozime për përmirësimin e punës së departamentit, të institucionit dhe vlerësimin e punës së audituesve.
12. Kujdeset për sistemimin, plotësimin dhe dorëzimin e dosjeve të auditimit në Zyrën e Protokoll-Arkivit.
13. Ndjek drejtpërdrejt dhe në bashkëpunim me grupet e auditimit, ecurinë e veprimtarisë audituese, duke udhëzuar dhe këshilluar grupet e auditimit për realizimin me cilësi dhe efektivitet të auditimeve.
14. Kryen detyra të tjera, të përcaktuara në Rregulloren e Brendshme dhe në Rregulloren e Procedurave të Auditimit.

**II. Kushtet që duhet të plotësojë kandidati dhe kriteret e veçanta**

*Kushtet që duhet të plotësojë kandidati:*

- Të jetë nëpunës civil i konfirmuar në kategorinë II-2,
- Të mos ketë masë disiplinore në fuqi;

- Të ketë të paktën 2 vlerësimet e fundit të performancës në punë “mirë” apo “shumë mirë”.  
*Kandidatët që aplikojnë për këto vende pune duhet të plotësojnë kriteret e veçanta si vijon:*
  - Të jenë diplomuar jo më poshtë se niveli Master Shkencor në Shkenca Kompjuterike;
  - Të kenë përvojë pune në fushën profesionale minimumi 10 vjet, nga të cilat minimumi 3 vjet në KLSH;
  - Të zotërojnë kualifikime kombëtare dhe ndërkombëtare që lidhen me fushën profesionale dhe auditimin e jashtëm.
- Kategoria e pagës për këtë vend pune është II-1.

### III. Paraqitja e dokumenteve

Kandidatët që shprehin interesin për të aplikuar duhet të dorëzojnë pranë Drejtorisë së Burimeve Njerëzore në KLSH:

- Letër motivimi;
- Jetëshkrimin e përditësuar;
- Fotokopje të noterizuar të diplomës së bashku me listën e notave;
- Diplomat që janë marrë jashtë vendit, duhet të jenë njohur paraprakisht sipas legjislacionit në fuqi për njehsimin e diplomave;
- Fotokopje e librezës së punës ose vërtetim për bazën e vlerësuar, për të vërtetuar eksperiencën në punë;
- Fotokopje të letërnjoftimit;
- Vërtetim të gjendjes shëndetësore;
- Vërtetim të gjendjes gjyqësore;
- Vërtetim që nuk kanë masë disiplinore në fuqi;
- Dy vlerësimet e fundit të performancës në punë;
- Çdo dokument tjetër që vërteton njohuritë e gjuhës së huaj, trajnimeve, kualifikimeve arsim shtesë si dhe vlerësime pozitive të përmendura në jetëshkrim.

*Dokumentacioni duhet të dorëzohet brenda datës 26.04.2024.*

### IV. Faza e verifikimit paraprak

Në faqen zyrtare të KLSH-së [www.klsh.org.al](http://www.klsh.org.al) më datë **30.04.2024** do të bëhet shpallja e listës së verifikimit paraprak për kandidatët që plotësojnë kriteret e shpallura të vendit të punës. Kandidatët që nuk do të kualifikohen do të njoftohen me email po në të njëjtën ditë. Njoftimi do të dërgohet për publikim edhe në portalin Shërbimi Kombëtar i Punësimit.

### V. Konkurrimi

*Kandidatët do të vlerësohen me shkrim mbi njohuritë në lidhje me:*

- Kodin e Procedurave Administrative të Republikës së Shqipërisë;
- Rregulloren e Procedurave të Auditimit të KLSH-së;
- Standardet ndërkombëtare të auditimit INTOSAI;
- Manualet e auditimit që zbaton KLSH.

*Kandidatët gjatë intervistës së strukturuar me gojë do të vlerësohen lidhur me:*

- Njohuritë, aftësitë dhe kompetencën lidhur me përshkrimin e pozicionit të punës;
- Zbatimin e standardeve ndërkombëtare të auditimit INTOSAI, apo manualeve të auditimit të KLSH-së;
- Vizioni, motivimi dhe pritshmëritë e tyre për karrierën.

## **VI. Fazat dhe mënyra e vlerësimit të kandidatëve**

Kandidatët do t'i nënshtrohen fazave të vlerësimit si, verifikimi paraprak dhe vlerësimi i kandidatëve.

Verifikimi paraprak, ka për qëllim të verifikojë nëse kandidatët plotësojnë kriteret e përcaktuara në shpalljen për konkurrim.

Vlerësimi i kandidatëve, përfshin:

a) vlerësimi i dokumentacionit (arsimimi, përvoja, trajnime të lidhura me fushën);

b) vlerësimi me shkrim;

c) intervista e strukturuar me gojë.

Në përfundim të procesit të vlerësimit vetëm kandidatët që do të grumbullojnë të paktën 70% të pikëve totale do të shpallen fitues.

## **VII. Njoftimi i kandidatëve**

Në faqen zyrtare të KLSH-së, [www.klsh.org.al](http://www.klsh.org.al) më datë **30.04.2024** do të bëhet shpallja e listës së verifikimit paraprak, data mbi zhvillimin e testimit me shkrim, dhe intervistës së strukturuar me gojë. Kandidatët që nuk do të kualifikohen do të njoftohen me email. Njoftimi do të dërgohet për publikim edhe në portalin Shërbimi Kombëtar i Punësimit.

***Konkurrimi është i hapur për Audituesit e Lartë në KLSH që plotësojnë kriteret e veçanta të shpallura***

**KONTROLLI I LARTË I SHTETIT**